



REPUBLIKA E SHQIPËRISË
MINISTRIA E FINANCEVE DHE EKONOMISË
DREJTORIA E PËRGJITHSHME E HARMONIZIMIT TË KONTROLLIT
TË BRENDSHËM FINANCIAR PUBLIK
DREJTORIA E HARMONIZIMIT TË AUDITIMIT TË BRENDSHËM

22867

URDHËR

9.12.20

Nr. 296, Datë 9.12.2020

PËR
DISA NDRYSHIME DHE SHITESA NË URDHËRIN NR. 37, DATË 16.03.2016 “PËR
MIRATIMIN E RREGULLORES PËR PROCEDURAT E CERTIFIKIMIT TË
AUDITUESVE TË BRENDSHËM NË SEKTORIN PUBLIK”, TË NDRYSHUAR ME
URDHËRIN NR.26, DATË 21.03.2017

Në mbështetje të pikës 4, të nenit 102 të Kushtetutës të Republikës së Shqipërisë, dhe pikës 1 të nenit 19, germës c) të nenit 23, të ligjit nr.114, datë 22.10.2015 “Për auditimin e brendshëm në sektorin publik”, me propozim të Drejtorisë së Përgjithshme të Harmonizimit të Kontrollit të Brendshëm Financiar Publik,

URDHËROJ:

1. Në rregulloren që i bashkëlidhet urdhërit nr.37, datë 16.03.2016, të ndryshuar me urdhrin nr.26, datë 21.03.2017, bëhen ndryshimet dhe shtesat, si më poshtë:

a) Në nenin 11, pas pikës 9, shtohen pikat 9/1 dhe 9/2 me këtë përmbajtje:

“9/1. Në rast se trajneri i zgjedhur nga Komisioni i Kualifikimit të Audituesve të Brendshëm, jep dorëheqjen nga procesi i zhvillimit të orëve të trajnimit, atëherë KKAB miraton trajnerin tjetër zëvendësues, i cili është renditur i pari në listën konkurruese, pas shpalljes të kandidatëve fitues të procesit të trajnimit.”

“9/2. Në rast se nga lista e kandidatëve për trajnerë të shpallur fitues, nuk ka më kandidatë të tjerë të renditur më pas, atëherë Komisioni i Kualifikimit të Audituesve kërkon zhvillimin e procedurës së përzgjedhjes së trajnerit të ri, brenda 10 ditëve kalendarike nga marrja dijani për dorëheqjen.”

b) Pas pikës 4, të nenit 13, shtohet pika 4/1, me këtë përmbajtje:

“4/1. Në kushtet kur seancat e konsultimit do të zhvillohen në distancë nëpërmjet platformës online, kohëzgjatja e seancës ditore nuk mund të jetë më shumë se 3 (tre) orë të njëpasnjëshme dhe ora e trajnimit (leksione dhe seminare) do të jetë 60 minuta. Materialet e vetëstudimit për modulet bazë do të shpërndahen gjatë periudhës së zhvillimit të modulit përkatës.”

- c) Pika 5 e nenit 13, ndryshohet me këtë përmbajtje:

“5. Në rastin e situatave të jashtëzakonshme me ndikim të drejtpërdrejtë në interesin dhe shëndetin publik, Komisioni Kualifikimit të Audituesve të Brendshëm pas kërkesës së arsyetuar të strukturës përgjegjëse e harmonizimit për auditimin e brendshëm, mund të vendosë rishikimin dhe ndryshimin e programit dhe kalendarit të procesit të certifikimit.”

- d) Pas pikës 6, të nenit 13, shtohen pikat 7 dhe 8, me përmbajtjen, si më poshtë:

“7. Në rast se procesi i certifikimit do të kryhet në distancë nëpërmjet platformës online, atëherë struktura përgjegjëse e harmonizimit për auditimin e brendshëm, do të sigurojë infrastrukturën e nevojshme në bashkëpunim me strukturën përgjegjëse për zhvillimin e sektorit të shoqërisë së informacionit dhe teknologjisë së informimit dhe komunikimit, pranë ministrisë përgjegjëse për financat publike.”

“8. Struktura përgjegjëse për harmonizimin e auditimit të brendshëm organizon, monitoron dhe siguron realizimin e cdo ore trajnimit në distancë sipas moduleve të programit të certifikimit të parashikuar në këtë Rregullore, bën përshtatjen e informacionit dhe evidencave sipas të dhënave që siguron platforma online, si dhe kujdeset për monitorimin e ndjekjes së leksioneve dhe seminareve të detyrueshme, duke siguruar evidentimin e pjesëmarrjes së kandidatëve për çdo modul.”

- e) Në pikën 2, të nenit 17, togfjalëshi “trajnerëve përkatës” zëvendësohet me togfjalëshin “mbikqyrësit përkatës”.

- f) Në pikën 4, të nenit 17, togfjalëshi “provimi me shkrim” zëvendësohet me togfjalëshin “testet paraprake dhe provimi me shkrim”.

- g) Pika 5 e nenit 17, riformulohet me këtë përmbajtje:

“Nëpunësi i Parë Autorizues miraton mbikqyrësit e sallave të testeve paraprake dhe të provimit/ riprovimit me shkrim”.

- h) Paragrafi i dytë i pikës 1, të nenit 20, riformulohet me këtë përmbajtje:

“Struktura përgjegjëse për harmonizimin e auditimit të brendshëm në bashkëpunim me trajnerët, duhet të sigurojë një shpërndarje të drejtë të temave të miratuara për secilin nga kandidatët, të cilët gjatë përgatitjes të temës konsultohen me trajnerin përkatës.”

- i) Paragrafi i dytë i nenit 23, ndryshohet dhe bëhet “deri në 6 muaj nga data e dhënies së provimit ose/dhe riprovimit”.

2. Për zbatimin e këtij urdhëri, ngarkohet struktura përgjegjëse për harmonizimin e auditimit të brendshëm, Komisioni i Kualifikimit të Audituesve të Brendshëm në sektorin publik, struktura përgjegjëse për shërbimet mbështetëse, si dhe struktura përgjegjëse për zhvillimin e sektorit të shoqërisë së informacionit dhe teknologjisë së informimit dhe komunikimit, pranë Ministrisë së Financave dhe Ekonomisë.

Ky urdhër hyn në fuqi menjëherë.

MINISTËR
Anila Denaj

